

Fantasia

BON DIA

Aruba

9 Alegría

Ramphys Tromp

Ta cancela su participacion na festival di Tumba Corsow

A yera'tardi a sali e confirmacion aki. Ramphys ta cancela su participacion den e festival Tumba na Corsow. Den combersacion cu nos a sostené cu Ramphys e la duna nos di conocé cu su representante a notifique cu tin un complicacion cu e seccion di metales y ritmo cu ta di Puerto Rico.

E musiconan cu ta compaña e banda aki na Corsow tur ta Puertorriqueño y ta forma parti di diferente artista grandi entrenan Olga Tañon, Son by 4, y otro artistanan grandi.

Diadomingo tur tabata den un presentacion masha importante cu un artista masha grandi mes y esaki a pone cu e conexiòn pa Corsow tabata imposibel pa e musiconan aki por a yega na tempo pa ensaya.

E musiconan ta super profesional y ta yega les di biaha e partituranan y den 2 a 3 pasa nan tin e pieza den otro y ta e sistema aki e banda aki cu ta compaña Ramphys ta traha. Esaki ta pa gana tempo y despelegá tempo den otro cosnan entrenan Calypso y Roadmarch contest na Aruba. En e special e tempo aki ta pa Ramphys. Un detaye mas ta cu e tema Ramphys lo a participa cune na Corsow, e lo participa cune na Aruba. Y tur esaki ta posibel ya cu e composicion ta di Ramphys y e arreglo ta di Steven Alex.

Berdad ta cu e presencia di Ramphys na Corsow ta masha señalá segun e comentario cu Fecco Gomez, Presidente di Asco, di musiconan di Corsow a duna di conocé. Asina ta cu nos lo ta pendiente pa sa kico Ramphys tin bao manga den Festival di Tumba Aruba cu e tema cu e lo a participa cune na Corsow. Manera e mes a duna di conocé "Mi ta spera cu nan no tué na malo"...!!



UN WOWO RIBA

Loke ta wordo specula cu Harry Zimmerman lo participá den festival di Tumba Aruba. Y aparentemente tur esaki ta posibel ya cu e ta casa cu Rubiano y e ta bibando aki tambe. Kico tin di berdad tras di esaki band wak si diadomingo awo e ta inscribi pa festival di Tumba...!!

Zukuz ta gradici tur esnan cu a contribui esnan cu a yuda nan participa den e competencia di Roadmarch y Calypso

Bibi Arends ta señalá cu Lighting Parade lo ta grandi e añ'a'ki mirando e movecion den e gruponan

Valentino King e posibel roadfire di Corsow cu Jangé...!!

Ronchi de Cuba lo paraliza e mirones di carnaval...!!

Hopi di esnan cu ta dominá e instrumentonan di blaas ta masha disgusta cu esnan cu ta participa den Tumba debi na debenan atras pa nan servicio